

中興以來絕妙詞選

中興以來絕妙詞選卷之七

宋詞

史邦卿

名達祖號梅溪有詞百餘首張功父妻
堯章爲序堯章稱其詞奇秀清逸有李

長言之韻蓋能融情景於一家會句意於兩得

綺羅香

春雨

做冷欺花。將煙困柳。千里偷催春暮。盡日冥迷。愁裏
欲飛還住。驚粉重。蝶宿西園。喜泥潤。燕歸南浦。最妨
它佳約風流。鈿車不到杜陵路。○沈沈江上望極。還
被春潮急。難尋官渡。隱約遙峯。和淚謝娘眉嫵。臨斷

七社部三字
皆作壓韻

岸新綠生時。是落紅帶愁流處。記當日開掩梨花。剪
灯深夜語。臨斷岸以下數語最為姜堯章稱賞

玉樓春

社前一日

遊人等得春晴也。處處旗亭堪繫馬。雨前穠杏尚穉
停風裏殘梅無顧藉。○忌拈針線還逢社。聞草嬴多
裙欲卸。明朝雙燕定歸來。叮囑重簾休放下。

玉樓春

梨花

玉容寂寞誰為主。寒食新晴愁幾許。前身清淡似梅
粧。遙夜依微留月住。○香迷胡蝶飛時路。雪在秋千
來往處。黃昏着了素衣裳。深閉重門聽夜雨。

萬年歡 春思

兩袖梅風。謝橋邊、岸痕猶帶。陰雪過了，二 灯市草
根青發。燕子春愁未醒，恁幾處芳音遼絕。煙谿上采
綠人歸，定應愁沁花骨。○非干厚情易歇。奈燕臺句
老，難道離別。小徑吹衣，曾記故里風物。多少驚心舊
事，第一是侵階羅襪。如今但、柳髮睎春，夜來和露梳
月。

杏花天 清明

軟波拖碧。蒲芽短。畫橋外、花晴柳暖。今年自是清明
晚。便覓芳情較懶。○春衫瘦。東風剪。過花塢香吹

醉面。歸來立馬斜陽岸。隔岸歌聲一片。

西江月

閨思

西月澹窺樓角。東風暗落簷牙。一燈初見影窗紗。又是重簾不下。○幽思屢隨芳草。閒愁多似楊花。楊花芳草徧天涯。綉被春寒夜。

夜音歷

菩薩蠻

夜景

梨花不礙東城月。○明照見空欄雪。○底夜香微褰。簾拜月。○錦衾幽夢短。明日南堂宴。○罷小樓臺。春風來不來。

臨江仙

閨思

小令大詞類
卷一

齊天樂
外
台城路
五仙降
中天
如比江山

愁與西風應有約。年同赴清秋。舊游簾幕記揚州。
一灯人着夢。雙鴈月當樓。○羅帶鴛鴦塵暗澹。更須
整頓風流。天涯萬一見溫柔。瘦應綠。此瘦羞。亦爲郎
羞。

齊天樂 秋興

闌干只在鷗飛處。年怕吟秋興。斷浦沈雲。空山挂
雨。只有詩愁千頃。波聲未定。望舟尾拖涼。渡頭籠暝。
正好登臨。有人歌罷翠簾冷。○悠然覓墮故里。柰閑
情未了。還被吹醒。拜月虛簷。聽蛩壞砌。誰復能憐嬌
俊。憂心耿。寄桐葉芳題。冷楓新詠。莫遣秋聲。樹頭

喧夜永。

齊天樂

湖上即席分韻得羽字

鷺鶯拂破蘋花影。低。趁涼飛去。畫裏移舟。詩邊就
夢。葉。碧雲分雨。芳游自許。過柳影間波。水花平渚。
見說西風爲人吹恨上瑤樹。○闌干斜照未滿。杏牆
應望斷。春翠偷聚。淺約接香。深盟搗月。誰是窓間青
羽。孤筇幾柱。問因甚參差。顰成離阻。夜色空庭。待歸
聽俊語。

雙

燕詠燕

形容尽矣

過春社了。度簾幕中間。去年塵冷。羞池欲住。試入舊

自字別本作是

巢相並。還相彫梁藻井。又軟語商量不定。飄然快拂
花梢。翠尾分開紅影。○芳徑。芹泥雨潤。愛貼地爭飛。
競誇輕俊。紅樓婦晚。看足柳昏花暝。應自棲香正穩。
便忘了。天涯芳信。愁損翠黛雙蛾。日二画欄獨凭。美
堯章極稱其柳昏花暝之句

東風第一枝 春雪

巧冰蘭心。偷黏草甲。東風欲障新暖。謾凝碧瓦難留。
信知暮寒較淺。行天入鏡。做弄出、輕鬆纖軟。料故園、
不捲重簾。悞了乍來雙燕。○青未了。柳回白眼。紅欲
斷。杏開素面。舊游憶著山陰。厚盟遂妨上苑。寒炉重

暖便放慢春衫針線。恐鳳鞋挑菜歸來。萬一灞橋相見。結句尤為姜堯章拈出

東風第一枝元夕

酒館歌雲。灯街舞綉。笑聲喧似簫鼓。太平京國多歡。大酺綺羅幾處。東風不動。照花影一天春聚。耀翠光金縷相交。弄細吹香霧。○羞醉玉。少年丰度。懷豔雪。舊家伴侶。閉門明月。閑心倚窓小梅索句。吟情欲斷。念嬌俊知人無據。想袖寒珠絡藏香。夜久帶愁歸去。

換巢鸞鳳春情

妙句

人若梅嬌。正愁橫斷塢。夢繞溪橋。倚風融漢粉。坐月
怨秦簫。相思因甚到纖腰。定知我今無覓可銷佳期。
晚謾幾度淚痕相照。○人悄。天渺。花外語香時透。
郎懷抱。暗握萸苗。乍嘗櫻顆。猶恨侵階芳草。天念王
昌忒多情。換巢鵲。鳳教偕老。溫柔鄉。醉芙蓉。一帳春
曉。

過龍門 春愁

醉月小紅樓。錦瑟箜篌。夜來風雨曉來收。幾點落花
饒柳絮。同爲春愁。○寄信問晴鷗。誰在芳洲。綠波寧
處有蘭舟。獨對舊時携手。地情思悠。

瑞鶴仙 紅梅

館娃春睡起。爲發粧酒。煖臉霞輕膩。水霜一生裏。厭
從來。冷澹粉腮重洗。胭脂暗試。便無限芳穠氣味。向
黃昏。竹外寒深。醉裏爲誰偷倚。○嬌媚春風模樣。霜
月心腸。瘦來肌軀。孤香細。吹夢到杏花底。被高樓
橫筦一聲驚斷。却對南枝洒淚。謾相思。桃葉桃根。舊
家姊妹。

滿江紅

九月廿一日出京懷古

緩轡西風。歎三宿遲。行客。桑梓外。鋤耰漸入。柳坊
花陌。雙闕遠。騰龍鳳影。九門空鎖。鴛鴦翼。更無人。擲

笛傍宮牆苔花碧。○天相漢民離國。天厭虜臣離德。
趙建瓴一舉。再收鰲極。老子豈無經世術。詩人不預。
平戎策。辦一襟風月。看升平。吟春色。

卓稼翁

名田號西山建陽之文士

好事近 三衢買舟

奏賦謁金門。行盡雲山無數。尚有江天一半。買扁舟
東去。○波神眼底識英雄。閣住半空雨。喚起一帆風
力。去青天尺五。

昭君怨 送人赴上庠

千里功名岐路。幾緇英雄草屨。八座與三台。箇中來
壯士。寸心如鐵。有淚不霑離別劍。未斬樓蘭。莫空還。

品令 新秋

立秋十日早。露出新涼面。斜風急雨。戰退炎光一半。
月上紗窓。疑是廣寒宮殿。○無端宋玉。撩亂生悲怨。
一年好處。都被秋光占斷。你且思量。今夜怎生消遣。

崔正子

名與之自號菊坡
屢以右相召不起

水調歌頭

萬里雲間戍。立馬劒門關。亂山極目無際。直北是長

千言萬語
用此心

安人苦百年塗炭。鬼哭三邊鋒鏑。天道久應還。手寫
留屯奏。炯一寸心丹。○對青燈。搔白髮。漏聲殘。老來
勲業未就。妨却一身閑。梅嶺綠陰青子。蒲澗清泉白
石。怪我舊盟寒。烽火平安夜。歸夢到家山。

魏華父

名了翁。臨邛人。號鶴山先生。慶元己未
黃甲第三名。晚與真西山齊名。有詞附

鶴山集。皆壽詞之得躰者。

水調歌頭 范靖州生日

猶記端門外。鞭袖五更寒。一聲天上鍾柝。金鎖掣重
關。君向紫宸上閣。我侍玉皇香案。都號舍人班。夢覺

以上乃刻樓之序
非詞金溪所仿
稼軒子瞻也

帝鄉遠相對兩蒼顏。○玉圍腰金繫肘。繡籠鞍。鄉人
袞_二嚴近五馬度荆山。收拾五湖氣度。卷束蟠胸兵
甲。春意滿人間。天錫公純嘏。氣象自平寬。

水調歌頭

孫靖州生日

九十九峰下。百二十年州。西風吹起客夢。月滿驛南
樓。影入天河左界。辰在壽星向上。還是去年秋。要和
木蘭曲。載酒壽君侯。○天邊信。雲外步。去難留。壽觴
庭院依舊。已帶別離愁。離合鍾情未免。富貴閑人何
事。浪白世間頭。將相時來作。身健百無憂。

鷓鴣天

范靖州十月廿一日生日

誰把璿璣運化工。參旗又挂玉梅東。三三律琯聲餘
亥。九二玄經卦起中。○新歲月舊游從。一觴還似去
年冬。人間事會無終極。分付翹閑老令公。郭令公以
武舉出身應翹閑負米科

菩薩蠻 靖倅江墳生日

東窓五老峯前月。南窓九疊坡前雪。推出侍郎山。著
君窓戶間。○離騷鄉裏住。恰記庚寅度。挹取芷蘭芳。
酌君千歲觴。

劉潛夫

名克莊。莆田人。號後村先生。負一代盛
名。詩文甚高。有後村別調一卷。淳祐

辛丑八月御筆劉某文名久著史學尤精可特
賜同進士出身

六州歌頭牡丹

維摩病起兀坐等枯株。清晨裏誰來問。是文殊遣名
姝奪盡羣芳色。浴才出。醒初解。千萬態。嬌無力。困相
扶。絕代佳人。不入金張室。却訪吾廬。對茶鐙禪榻笑
殺此翁癯。瑤砌金壺始消渠。○憶承平日。繁華事。修
成譜。寫成圖。奇絕甚。歐公記。蔡公書。古來無一自京
華。隔問姚魏。竟何如。多應是。綵雲散。劫灰餘。野鹿銜
將花去。空回首。河洛丘墟。謾傷春。吊古。夢遼漢。唐都。